


廣東圖說

廣東通志

韶州府總圖

韶州府總圖



西四度

三二
度十

西五度

度四西

韶州府

府治在省城東北一千里秦爲南海郡地漢初屬南越武帝平南越屬桂陽郡後漢置始興都尉三國吳甘露元年始分桂陽南部置始興郡治曲江晉因之宋太豫元年改曰廣興郡齊復曰始興郡梁承聖中於郡置東衡州隋開皇九年平陳郡廢改東衡州曰韶州十一年州廢入廣州十二年移廣州來治開皇末廣州還治南海大業初屬南海郡唐武德四年置番州尋改曰東衡州貞觀元年復曰韶州天寶初復曰始興郡乾元初復曰韶州屬嶺南道五代屬南漢宋亦曰韶州始興郡屬廣南東道元至元十五年置韶州路總管府屬海北廣東道明洪武初

改韶州府屬廣東布政使司今因之

東西距六百里

南北距五百九十里

東至南雄州始興縣界一百五十里

東南至惠州府連平州並長甯縣夾界三百三十里

南至佛岡廳界三百十五里

西南至廣州府清遠縣界四百五十里

西至連州陽山縣界四百五十里

西北至湖南郴州宜章縣界三百七十里

北至湖南郴州桂陽縣界二百二十里

東北至始興縣界一百六十里

韶州脣齒江湘咽喉交廣據五嶺之要當百粵之衝自古提兵踰嶺韶爲必爭之險故隋初嘗移廣州來治也曲江附郭當滇武之合流誠上游之鎖鑰樂昌銅鑼坪隘路通桂陽四山壁立夙稱險峻仁化界連三省山川盤鬱蹊徑崎嶇亦稱險隘乳源崇山峻嶺林深箐密路通宜章磴道巉峭翁源萬山環合蹊徑嶮巖英德山谷深阻中有三峽一曰中宿一曰大廟一曰滇陽大廟介三峽之間尤爲險隘故尉佗嘗築萬人城於此守險具有深意也

領縣六 曲江 樂昌 仁化 乳源 翁源 英德

曲江縣圖

曲江縣圖



曲江縣

附郭漢置曲江縣至今因之

城周九里三十步高二丈五尺北門城濠廣二丈五尺深二丈二尺

山岡嶺城東二十里山下有山岡嶺村有九魚塘

騎馬石山城東一百里有楓灣墟

靈溪山城東一百里有仙人洞地最險隘有靈溪汛

龍門石山城東一百二十里南爲春粉坪山東界始興縣

秀才印山城東一百三十里東界始興縣

蓮花嶺城東南五里形似蓮花故名宋潘美伐南漢劉鋹嘗列

象陣於此山下拒之有蓮花嶺村

馬鞍山城東南三十五里上有三石狀如馬鞍故名西爲鷺卵石山

獅子石山城東南三十七里有招隱巖上有南薰石刻

南華山城東南六十八里有南華寺卓錫泉

白面石山城東南八十五里石如人形

大寶山城東南八十五里南界翁源縣

寶石山城東南九十五里

蛇嶺城東南一百里

石角山城東南一百里有石角塔南界英德縣

丫髻山城東南一百二十里道路崎嶇最爲險阻西爲茶園山東界始興縣南界翁源縣

回龍山城南五十里有書堂巖相傳唐張九齡讀書處

界石山城南一百里往來大道南界英德縣

黿魚寨山城西南三十里西界乳源縣

蒲杓嶺城西南三十五里有龍歸墟

虎榜山城西南五十里有書堂巖下臨湏水

三王岡城西南五十五里往來大道西界乳源縣

四拜山城西南八十里

儀鳳山城西南八十里

消雪嶺城西南八十五里

竹雲山城西南九十里

芙蓉山城西五里有石室伏洞深不可測有芙蓉菴

雷公嶺城西六十里往來大道西界乳源縣

桂山城西六十里西連徭山有湯泉有三公廟

皇岡嶺城西北五里往來大道有皇潭泉有舜峯寺

獅頭嶺城西北十四里東濱武水有獅頭寨地最險隘

獅塘嶺城西北十五里有獅塘廟

鳳凰山城西北三十里東北有秤陀石西南有鳳村

翠珠嶺城西北三十二里有唐張九齡墓

圓嶺城西北五十里北界樂昌縣

帽子峯城北一里一名筆峯山往來大道有獅子廟

白虎坳城北十里一名越王山歲旱祈禱輒應南爲風門凹

浮嶽山城北十二里

梯子嶺城北二十里有龍王廟

雞公石山城東北十里有雞公石石上有洞

石頭山城東北十三里有石頭寺石頭山村

五馬歸槽山城東北三十里北臨湔水

龜塘峒城東北五十里北界仁化縣

掛榜山城東北六十五里一名錢石山有南石汛

韶石山城東北七十里一名曲紅岡縣昔號曲紅因山而名有三十六名有金龜巖往來大道北界仁化縣

亂石凹城東北九十五里

鴨卵山城東北一百三十里東界始興縣

南韶嶺城東北一百三十里往來大道有分界石東界始興縣
湏水自始興縣西流入縣東北水村又屈西北流經火洞逕又
屈西南流經大壩墟又西南流經梨水江汛梨水江自東南來
注之又西南流經平圃司署又屈西北流經大橋墟又西北流
經江村汛錦江自東北來會錦江源出仁化縣東南流入縣東
北父子壩村又東南流經羅江村又東南流與湏水會湏水又